

CYFARFOD	Pwyllgor Ymgynghorol Harbwr Pwllheli
DYDDIAD	20 Hydref 2015
TEITL	Diweddariad ar Faterion Rheolaethol yr Harbwr
AWDUR	Swyddog Morwrol a Pharciau Gwledig

1. Cyflwyniad

- 1.1 Prif swyddogaeth y Pwyllgor yw ystyried a chynghori ar faterion yn ymwneud â rheolaeth, diogelwch a datblygiad yr harbwr.
- 1.2 Pwrpas yr adroddiad yma yw cyflwyno diweddariad cryno o'r cyfnod hyd at Hydref 2015

2. Harbwr Pwllheli (allanol)

- 2.1 Yn 2015/16 roedd ffigyrau angorfeydd ar gyfer yr Harbwr allanol fel a ganlyn; -
 - 87 o angorfeydd blynyddol. Hyn yn cymharu gyda 91 cwch ar angorfa yn 2014.
 - 47% o'r cwsmeriaid blynyddol gyda chwch hwylio. 53% gyda chychod pŵer.
 - 66% yn breswyl yng Ngwynedd gyda 34% yn breswyl tu allan y sir.
 - Mae 8 cwch masnachol yn yr harbwr allanol. 6 Cwch Pysgota. 1 Cwch Siarter. 1 Cwch masnachol lard Cychod.
- 2.2 Ar y cyfan, gwelwyd lleihad mewn nifer cwsmeriaid dros y flwyddyn ddiwethaf.
- 2.3 Mae 987 o Gychod Pŵer wedi cofrestru yng Ngwynedd yn 2015. Hyn yn cymharu gydag 1001 yn 2014. Roedd 104 wedi cofrestru yn harbwr allanol Pwllheli gyda'r cyfan wedi cofrestru yn unol â threfniant allanoli rheolaeth llithrfa'r harbwr allanol.
- 2.4 Mae 696 o Fadau Dwr Personol wedi cofrestru yng Ngwynedd yn 2015. Hyn yn cymharu gydag 693 yn 2014. Roedd 42 wedi cofrestru yn harbwr allanol Pwllheli gyda'r cyfan wedi cofrestru yn unol â threfniant allanoli rheolaeth llithrfa'r harbwr allanol.

3. Cod Diogelwch Morwrol

- 3.1 Mae copi o'r Cod Diogelwch Morwrol eisoes wedi ei ddsbarthu ac mae ar gael ar safle we Cyngor Gwynedd
- 3.2 Mae'r ddogfen yn cael ei adolygu yn rheolaidd ac fe werthfawrogir sylwadau ar ei chynnwys gan Aelodau o'r Pwyllgor.

4. Mesuryddion Perfformiad

- 4.1 Mae'r Gwasanaeth yn awyddus i ddatblygu Mesuryddion Perfformiad mewn perthynas â rheolaeth yr harbyrau. Gwahoddir syniadau neu awgrymiadau cychwynnol ar fesuryddion perfformiad gan aelodau'r Pwyllgor.
- 4.2 Pwrpas mesuryddion o'r fath fyddai mesur a monitro deilliannau'r gwasanaeth a gynigir. Wrth lunio mesuryddion o'r fath, bydd angen sicrhau fod unrhyw wybodaeth neu ddata yn gyfredol; yn berthnasol; ac yn addas a chlir i'w craffu.

5. Prif Faterion

5.1 Mordwyo

- 5.1.1 Cafwyd archwiliad gan Awdurdod Goleudai Tŷ'r Drindod ar y 14eg Medi 2015. Mae adroddiad Tŷ'r Drindod yn tynnu sylw at ddiffyg yng nghyflwr Cymhorthydd Mordwyo safle Hafan y Môr sydd ym mherchenogaeth cwmni preifat.

5.1.2 Nid oes Rhybudd i Forwyr mewn grym yn harbwr Pwllheli. Mae holl gymhorthion mordwyo ar eu safle priodol. Mae yn fwriad ystyried adolygu bwiau parth cyflymder uchaf ac fe ofynnir am farn yr Aelodau ynglŷn â pheidio â lleoli bwiau parth cyflymder uchaf ar draeth Marian y De a hefyd addasu ardal parth cyflymder uchaf ardal traeth Glandon er hwyluso gweithgareddau hamdden.

5.2 Cynnal a chadw

5.2.1 Cyflwynir trefniadau a rhaglen waith ar gyfer cynnal a chadw Cymhorthion Mordwyo harbwr Pwllheli gan y Rheolwr Harbwr yn y cyfarfod.

5.2.2 Bydd y Rheolwr Harbwr hefyd yn cyflwyno rhaglen waith cynnal a chadw a fu i'w gweithredu yn Harbwr Pwllheli yn ystod y cyfnod Hydref - Rhagfyr ac yn rhoi amlinell o'r rhaglen waith a fu i'w gweithredu yn y cyfnod Ionawr – Mawrth 2016. Gofynnir am adborth aelodau'r Pwyllgor am unrhyw waith ychwanegol bydd angen ei ystyried.

5.3 Materion Staff

5.3.1 Mae trefniadau adolygol a strwythur staff harbwr Pwllheli yn parhau. Yn dilyn llwyddiant yr ad-drefniant rhagwelir bydd y trefniant yn parhau at y dyfodol.

5.3.2 Mae cyfnod cyflogaeth Cymhorthion Harbwr (tymhorol) Abermaw a Porthmadog wedi eu hystyried hyd at ddiwedd Hydref 2015. Fe fydd dau gymhorthydd harbwr yn rhan o'r tîm Morwrol ehangach er sicrhau bod yn bosibl ymateb i ddigwyddiadau a chwblhau rhaglen waith cynnal a chadw harbyrau Pwllheli, Porthmadog ac Abermaw.

5.4 Materion Eraill

5.4.1 Trefniant carthu ceg yr harbwr - gaeaf 2015/16.

5.4.2 Cludo defnydd traeth Craig yr Imbill.

5.4.3 Aseiad OPRC (cynllun atal llygredd olew)

5.4.4 Adolygu trefniant angorfeydd harbwr allanol

5.4.5 Ymgynghoriaeth Cenedlaethol - <https://www.gov.uk/government/consultations/harbour-closure-and-pilotage-function-removal-orders-draft-guidance>

6. **Materion Ariannol**

6.1 Mae crynodeb o gyllidebau'r Harbwr wedi ei gynnwys yn yr atodiadau.

6.2 Bydd drafft ffioedd a thaliadau'r Harbwr Allanol 2016/17 yn cael ei gyflwyno yn y cyfarfod.

6.3 Yn ystod y cyfnod, bu'n ofynnol i ymrwymo adnodd cyllid ar gyfer y canlynol: -

- Cymhorthion Mordwyo a Llusernau
- Cynnal a chadw angorfeydd Ardal 5 a 6
- Ymestyn cyfnod cyflogaeth staff
- Archwilio Angorfeydd Harbwr

6.4 Mae'r cyllidebau yn cael eu monitro yn fisol ac fe fydd Adolygiad Ail Chwarter yn cael ei gynnal yn ystod yr wythnosau cyntaf ym mis Hydref. Cyflwynir diweddariad i'r Aelodau yn y cyfarfod.

7. **Digwyddiadau**

7.1 Dros gyfnod yr Haf 2015, trefnwyd nifer o ddigwyddiadau gan gynnwys: -

- Cystadlaethau Cenedlaethol a Rhyngwladol mawreddog Clwb Hwyllo Pwllheli
- Agoriad yr Academi Hwyllo
- Sioe Gychod Gogledd Cymru
- Gŵyl Fwyd Mor Gogledd Cymru

7.2 Bwriedir cynnwys rhestr digwyddiadau ar gyfer Haf 2016 yn y cyfarfod nesaf, ac fe ofynnir am unrhyw wybodaeth berthnasol a allwn ei gynnwys yn yr adroddiad.

8. Hafan Pwllheli (Marina)

8.1 Yn 2015/16 roedd ffigyrau angorfeydd ar gyfer yr Hafan fel a ganlyn; -

- 292 o angorfeydd blynyddol. Cymharu gyda 293 cwch ar angorfa yn 2014.
- 53% o'r cwsmeriaid blynyddol gyda chwch hwyllo. 47% gyda chychod pŵer.
- 19% yn breswyl yng Ngwynedd gyda 81% yn breswyl tu allan y sir.
- Mae 1 cwch masnachol yn yr Hafan sef cwch siarter (pysgota.)

8.2 Ar y cyfan, ni welwyd newid yn y nifer cwsmeriaid dros y flwyddyn ddiwethaf.

8.3 Mae 987 o Gychod Pŵer wedi cofrestru yng Ngwynedd yn 2015. Hyn yn cymharu gydag 1001 yn 2014. Roedd 104 wedi cofrestru yn yr Hafan drwy drefniant cwmnïau Parcio a Lansio.

8.4 696 o Fadau Dŵr Personol wedi cofrestru yng Ngwynedd yn 2015. Cymharu gydag 693 yn 2014. Roedd 43 wedi cofrestru yn yr Hafan drwy drefniant cwmnïau Parcio a Lansio.

9. Prif Faterion

9.1 Cynnal a chadw

9.1.1 Bydd y Rheolwr Harbwr yn cyflwyno rhaglen waith prif faterion cynnal a chadw a fu i'w gweithredu yn yr Hafan ystod y cyfnod Hydref - Rhagfyr ac yn rhoi amlinell o'r rhaglen waith y prif faterion a fu i'w gweithredu yn y cyfnod Ionawr – Mawrth 2016. Gofynnir am adborth aelodau'r Pwyllgor am unrhyw waith ychwanegol bydd angen ei ystyried.

9.2 Materion Staff

9.2.1 Mae trefniadau adolygol a strwythur staff Hafan Pwllheli yn parhau. Yn dilyn llwyddiant yr ad drefniant rhagwelir bydd y trefniant yn parhau at y dyfodol.

9.2.2 Oherwydd newidiadau yn strwythur staff Hafan Pwllheli yn ystod 2015 mae cyfnod cyflogaeth Cymhorthion Harbwr (tymhorol) Abermaw a Porthmadog wedi eu hystyried hyd at ddiwedd Hydref 2015. Fe fydd dau gymhorthydd harbwr yn rhan o'r tîm ehangach er sicrhau bod yn bosibl ymateb i ddigwyddiadau a chwblhau rhaglen waith cynnal a chadw Hafan ac harbyrau Pwllheli, Porthmadog ac Abermaw.

9.3 Materion Eraill

9.3.1 Diesel Coch.

9.3.2 Craen symudol

9.3.3 Llwybrau Cyhoeddus tir Hafan

9.3.4 Trefniant Plas Heli

10. Materion Ariannol

10.1 Mae crynodeb o gyllidebau'r Hafan wedi ei gynnwys yn yr atodiadau.

10.2 Bydd drafft ffioedd a thaliadau Hafan ar gyfer 2016/17 yn cael ei gyflwyno yn y cyfarfod.